

## 開放文學 – 歷代筆記 – 奴才小史 崇厚

崇厚，性庸軟。於同治初為三口通商大臣，尋遷都察院左都御史時，時本無所表現，會光緒五年，將與俄訂交收伊犁條約，忽命崇厚往。崇厚之赴俄也，僅抵拉哇基。俄人館之小樓上，所供者，多惡草具。崇厚不能堪。及開議，俄人謂：「今日之舉，毋庸多議。我國已定新約十八條，度為爾國所必允者。」崇厚索草約觀之，不肯遽允。俄人謂：「汝為議和大臣，殊不識議和宗旨，何無用至此！」既以足蹴之，復舉而擲於樓下，崇厚幾斃。

館人扶之起，旋以調養獲痊。厥後俄人更百端逼勒，崇厚懼死，乃以所定新約十八條，咨送回國，尋亦歸。由是朝野為之嘩然。